

Visoki predstavnik pozdravio odluku Vijeća ministara o osnivanju državne Komisije

Visoki predstavnik je pozdravio odluku Vijeća ministara da postupi u skladu sa Zaključkom Parlamenta i osnuje državnu Komisiju za istraživanje i utvrđivanje istine o stradanjima Srba, Hrvata, Bošnjaka, Jevreja i Ostalih u Sarajevu u periodu od 1992. godine do 1995. godine. Visoki predstavnik je apelirao i na članove Parlamenta BiH da dalje ne zaustavljaju rad Parlamenta.

“Osnivanjem Komisije političari na svim stranama će raditi u interesu ožalošćenih članova porodica i prijatelja”, rekao je visoki predstavnik te izrazio svoju nadu da će Vijeće ministara usvojiti i drugu Odluku kojom će imenovati članove Komisije kako bi Komisija mogla otpočeti svoj rad.

Visoki predstavnik je potom primijetio da Parlament ima još mnogo posla kako bi Bosna i Hercegovina napravila dalje korake prema evropskim integracijama i kako bi život bh. građana bio bolji te apelirao na članove Parlamenta da ne zaustavljaju zakonodavni proces.